

nie me

1. strofe: hey was lauft chrum? um mich ume isch alles schwarz
umhüllt, vernäbled, es tut zue und es rägned schwarzi tropfe
ich mag mini bei nüme lupfe,
will du mir de bode drunder weg ziesch
mich dur de dräck ziesch
ja, da wird mier schnäll bewusst,
die situation isch din lohn und erfüllt dich mit luscht
debi han ich das wüekli nöd verdient,
dass du mich bsuechsch und mis danke versuechsch
izschränke!

2. strofe: ja ich hass dich defür und ich fass dich defür,
verlass dich uf mich, mini wuet isch z'krass im verglich
zu dinere isch mini no mit angscht erfüllt
länt sie ab und umhüllt min verstand
nimmt mini hand und leitet mich
und all mini chraft begleitet mich
ich kämpfe nur eimal und dänn isch es hoffentli gscheh
ich wett dich nie me gse

refrain: ich wett dich nie me gse, hey gang weg!
ich wett dich nie me gse (4x)

break: erschüttered vo dinere unändliche macht,
weiss ich, dass ich eigentlich kei chance han
jetzt bisch es wieder du wo zlescht lacht
und die nägschte nacht, fangt alles wieder aa!

3. strofe: angscht isch din name und du häsch en dir verdient
überall wo du bisch, ja det wo d'sunne nüme schient
da verbreitisch du trurigkeit, einsamkeit
bis mer ines tüfs loch abegheit und sich überleit
und suecht nur die guete sache
die sache, wo s'läbe sötted läbeswert mache

